



BASES DO CONCURSO DE CARTEIS QUIN ALBORÉS-NIGRÁNJAZZ 2020

1. PROMOTOR E ANTECEDENTES:

O promotor deste concurso é o Concello de Nigrán. O obxecto deste certame é seleccionar un cartel para empregar na difusión do Festival Nigránjazz organizado polo Concello de Nigrán (Pontevedra), que dende o ano 2020 está adicado á memoria do artista nigránés Quin Alborés, gran amante do jazz e veciño que impulsou o Festival dende o seu comezo deseñando os seus tres primeiros carteis. O traballo premiado será o que se empregue para a difusión do XIV Festival NigránJazz deste ano 2020 en diferentes formatos (cartel, camiseta ou calquera outro medio).

2. OBXECTO DO CONCURSO:

O Concello busca un cartel que, como condición indispensable, teña como eixo central o mundo do jazz e a súa estética e que se empregará para a difusión do XIV Festival Nigránjazz.

3. MODALIDADE DE CONCURSO E PARTICIPACIÓN:

Trátase dun concurso público con xurado, aberto e anónimo. No concurso poderán participar todas as persoas físicas maiores de 18 anos que o desexen, podendo presentar cada unha delas un máximo de dúas obras, coa condición indispensable de ser inéditas. Quedan excluídos da participación neste concurso os familiares directos ata o primeiro grao de parentesco por consanguinidade e/ou afinidade de calquera membro do xurado. Aquel que gañe dúas veces consecutivas o concurso de carteis Quin Alborés-NigránJazz quedará excluído da participación na seguinte edición inmediata.

4. TÉCNICA:

A técnica a utilizar será libre dentro dos límites usuais para permitir unha normal reprodución fotomecánica. No caso de resultar gañador, o autor ou autora deberá aportar a obra en formato vectorial ou imaxe .jpg ou .tiff a 350 ppp e a tamaño real. Non se admitirá ningún cartel que non poida adoptar un formato vectorial ou imaxe para a súa normal reprodución fotomecánica.



5. TEXTO E CONTIDOS:

Os carteis deberán levar, obrigatoriamente, os seguintes datos:

XIV FESTIVAL NIGRÁN JAZZ XULLO 2020

Día 24

Auditorio do Concello

12:00 h. Masterclass 1

Auditorio da Foz do Miñor (A Ramallosa)

21:00 h. Actuación artista 1

22:30 h. Actuación artista 2

00:00 h. Jam Session

Día 25

Auditorio do Concello

12:00 h. Masterclass 2

Auditorio da Foz do Miñor (A Ramallosa)

21:00 h. Actuación artista 1

22:30 h. Actuación artista 2

00:00 h. Jam Session

Escudos: *(adxunto as bases, na páxina web municipal):*

- Concello de Nigrán
- Deputación de Pontevedra
- AIE
- Central Folque
- Rodosa

O idioma empregado será o galego.



6. LUGAR, FORMA E PRAZO DE PRESENTACIÓN:

Os orixinais realizaranse en formato vertical, en tamaño A2 (594 x 420 mm.) cunha calidade mínima de 300 ppp. Os traballos presentados deberán garantir o anonimato dacordo co previsto nas presentes bases. **O prazo de presentación comezará o VENRES 27 DE MARZO e rematá o MARTES 12 DE MAIO.** Non serán admitidas as obras que se reciban con posterioridade á data indicada, calquera que sexa a excusa do atraso.

Poderán presentarse mediante dúas vías:

1. Preferentemente por correo electrónico enviando por un lado o cartel adxunto cuxo nome de arquivo sexa o lema elixido a info@nigran.org, escribindo en asunto "Concurso de carteis Quin Albores-Nigranjazz + lema elixido" e, por outra banda, enviando outro correo electrónico a secretariap@nigran.org poñendo en Asunto "Concurso Carteis Nigránjazz + lema elixido", e achegando nese mesmo correo o DNI escaneado e a declaración de autoría (Anexo I) e no corpo do texto os datos persoais (nome e os apelidos do autor, o domicilio, o enderezo postal, o correo electrónico e o número de teléfono).

Cada cartel presentase co mesmo procedemento, independentemente de que un mesmo suxeito presente dúas propostas (polo tanto, terán que ter lemas diferentes).

2. Se as circunstancias derivadas do Covid-19 no futuro o permitisen, podería presentarse no Rexistro do Concello ou por correo certificado. O traballo presentase nun sobre pechado rotulado exteriormente baixo o título "Concurso de carteis Quin Alborés-Nigranjazz", non podendo ser identificado de ningún xeito e preservando así o anonimato. Este sobre opaco conterá no seu interior dous sobres (A e B). O sobre "A" será rotulado exteriormente co título "Concurso de carteis Quin Alborés-Nigranjazz + lema elixido" e conterá o cartel, no que se escribirá novamente o lema pola parte traseira do mesmo. O sobre "B" será rotulado exteriormente co título "Concurso de carteis Quin Alborés-Nigranjazz + lema elixido" e conterá no interior novamente un folio co lema, o nome e os apelidos do autor, o domicilio, a fotocopia do DNI, o enderezo postal, o correo electrónico, o número de teléfono e a declaración asinada que indique que a obra presentada é da súa autoría, é orixinal, e é inédita (Anexo I).

No caso de facelo por Rexistro deberá facerse constar 'Concurso de Carteis Quin Alborés-Nigranjazz +lema elixido'.

No caso de facelo por correo certificado, o autor deberá enviar un correo electrónico a secretariap@nigran.org co asunto "Concurso de carteis Quin Alborés-Nigranjazz + lema elixido" no que se adxunte o certificado de correos que xustifique que o envío se fixo en prazo, non podendo conter ese certificado ningún dato persoal que vulnere o anonimato (pode empregarse o lema). Transcorridos 5 días hábiles do fin do prazo do concurso o Concello non aceptará o recibo de ningún traballo.



7. XURADO:

Será o responsable de avaliar e clasificar as propostas, elixindo aquela que estimen que mellor representará ao Nigranjazz. As actuacións do xurado axustaranse ás normas contidas nas seguintes bases. Serán funcións do xurado:

- *Análise de documentación e admisión definitiva dos traballos admitidos.*
- *A proposta razoada de exclusión dos traballos non admitidos, que se recollerá en acta explicando o motivo. Compre salientar que se o xurado detecta algún plaxio en calquera forma conlevará unha descalificación automática e posibles accións legais.*
- *Análises das propostas e valoración.*
- *A vixilancia do cumprimento do anonimato na documentación presentada ata que se ditamine a proposta de gañador.*

O xurado está composto por:

Felipe Villar Andrade (*Presidente- Organizador do Festival Nigránjazz*)

Ana Fernández Alborés (*Vogal - Irmán de Quin Alborés*)

María Villar Andrade (*Secretaria - Responsable de Comunicación do Concello de Nigrán*)

Juan A. González Pérez *ou na persoa que el delegue (Alcalde de Nigrán)*

Natalia Gomes (*Vogal - Deseñadora Gráfica*)

Olalla Fernández (*Vogal - Deseñadora Gráfica*)

8. PREMIOS E OBRIGAS DO GAÑADOR:

Establécese un único premio de 500 euros e se establecerán tantas mencións (sen dotación económica) como o xurado estime convinte. O premio poderá ser declarado deserto, nese caso, o Concello de Nigrán resolverá a edición do cartel polos seus propios medios. O premio estará suxeito á normativa fiscal. Ao autor do cartel gañador notificaráselle o veredicto do xurado a través de correo certificado; aínda que, previamente se poderá comunicar telefonicamente xunto coa data de presentación do cartel, que coincidirá coa presentación do Festival.

O autor ou autora gañador ten a obriga de aportar a obra en formato vectorial ou imaxe .jpg ou .tiff a 350 ppp e a tamaño real. Deberá comprometerse a realizar os cambios necesarios no cartel en prazo para incorporar a programación definitiva ou calquera outro cambio necesario. A organización substituirá, se fose preciso, os datos dos concertos no cartel final, respectando no posible a estética deste, e reservándose o dereito de cambiar de lugar e tamaño o escudo do Concello, así coma incorporar novos logotipos.



9. DEREITOS DE PROPIEDAD INTELECTUAL:

Mediante o premio do "Concurso de carteis Quin Alborés-Nigranjazz 2020", o Concello de Nigrán adquire en exclusiva todos os dereitos económicos de propiedade intelectual inherentes á obra premiada, e que poderá libremente proceder á súa reprodución, distribución, comunicación pública e transformación durante o prazo indicado no artigo 26 do TRLPI; tendo dereito a difundir a obra por calquera medio ou soporte, incluíndo os dereitos de reprodución en calquera soporte ou formato, así como os dereitos de distribución e comunicación pública da obra; quedando expresamente incluída a emisión e transmisión on-line.

O Concello de Nigrán resérvase o dereito de publicar na súa web e difundir por calquera outro medio tódalas obras presentadas a concurso.

10. PROTECCIÓN DE DATOS:

En cumprimento do establecido na LOPD, que todos os datos persoais dos participantes no "Concurso de carteis Quin Alborés-Nigranjazz 2020" poderán ser incorporados aos ficheiros das bases de datos do Concello de Nigrán, ante o que poderán exercer os dereitos de acceso, rectificación, cancelación e oposición.

11. ACEPTACIÓN DAS PRESENTES BASES:

A participación no Concurso de carteis NigránJazz 2020 comporta a aceptación íntegra e incondicionada das correspondentes bases.

Nigrán a 25 de marzo de 2020

Juan A. González Pérez
Alcalde de Nigrán



**ANEXO I
DECLARACIÓN DE ORIXINALIDADE E CARÁCTER INÉDITO DO TRABALLO**

D./Dña. _____
_____ declárase o autor intelectual do cartel presentado no
concurso Nigrán Jazz e manifesta que o seu traballo é da súa autoría, orixinal e inédito, polo que,
dito material non foi publicado anteriormente nin tampouco está a participar noutro concurso.

En _____, a _____ de _____ 2020

Asdo.